

# Dadansoddiad o Adroddiadau Arolygu CYSAG Sir Ddinbych

## Gwanwyn 2015

(Adroddiadau'n cael eu cyhoeddi yn nhyrnor yr Hydref)

Ysgol	Dyddiadau	Arolygydd sy'n Adrodd
<b>Ysgol V. P. Llanelwy</b>	<b>Mehefin 2015</b>	<b>Mrs Linda Jane Williams</b>
<p><i>Mae Ysgol Fabanod yr Eglwys yng Nghymru a Reolir yn Wirfoddol Llanelwy yn Llanelwy, yn awdurdod lleol Sir Ddinbych. Mae'r ysgol yn darparu ar gyfer disgyblion rhwng tair a saith oed. Ar hyn o bryd, mae 113 o ddisgyblion ar y gofrestr, gan gynnwys 28 sy'n mynychu'r feithrinfa yn rhan-amser. Mae plant yn cael eu haddysgu mewn pedwar dosbarth prif ffrwd.</i></p> <p><i>Mae'r cyfartaledd tair blynedd ar gyfer cyfran y disgyblion sy'n gymwys i gael pryddau ysgol am ddim ychydig o dan 20% ac yn agos at gyfartaledd Cymru. Mae'r ysgol wedi nodi bod gan tua 27% o ddisgyblion anghenion dysgu ychwanegol, sy'n uwch na chyfartaledd Cymru. Mae bron pob un o'r disgyblion o ethnigrwydd gwyn Prydeinig ac ychydig iawn o ddisgyblion sy'n siarad Saesneg fel iaith ychwanegol. Nid oes unrhyw ddisgybl yn siarad Cymraeg fel iaith gyntaf.</i></p>		
<b>Ysgol Bro Dyfrdwy</b>	<b>Mehefin 2015</b>	<b>Eifion Lloyd Watkins</b>
<p><i>Mae Ysgol Bro Dyfrdwy ym mhentref Cynwyd, tua thair milltir o Gorwen. Sefydlwyd yr ysgol ar ddau safle ym mis Ionawr 2013, o ganlyniad i uno Ysgol Maes Hyfryd ac Ysgol Llandrillo. Yn dilyn gwaith adeiladu sylweddol, symudodd yr ysgol i safle Ysgol Maes Hyfryd ym mis Medi 2014. Mae'r pennaeth cyfredol, sef cyn-bennaeth Ysgol Maes Hyfryd, wedi bod yn ei swydd ers i'r ysgol agor ym mis Ionawr 2013. Mae'r ysgol gymuned hon yn gwasanaethu'r pentref a'r ardal wledig gyfagos ac mae'n cael ei chynnal gan awdurdod sir Ddinbych.</i></p> <p><i>Daw tua hanner y disgyblion o gartrefi Cymraeg eu hiaith. Caiff disgyblion eu derbyn i'r ysgol fel plant oedran meithrin ar sail rhan-amser ym mis Medi yn dilyn eu trydydd pen-blwydd cyn iddynt ddechrau'n llawn amser ym mis Medi sy'n dilyn eu pen-blwydd yn bedair oed. Mae 116 o ddisgyblion rhwng 3 ac 11 oed ar y gofrestr ac maent yn cael eu haddysgu mewn pum dosbarth, tri ohonynt yn cynnwys disgyblion o oedran cymysg.</i></p>		
<b>Ysgol Hiraddug</b>	<b>Medi 2015</b>	<b>Sheila Margaret Birkhead</b>
<p><i>Mae Ysgol Hiraddug yn Ysgol Gynradd gymunedol a gynhelir gan yr awdurdod lleol ym mhentref Dyserth, ym mhen gogledd-ddwyrain Dyffryn Clwyd yn Sir Ddinbych. Mae'r ysgol yn darparu ar gyfer disgyblion rhwng tair a saith oed mewn wyth dosbarth.</i></p> <p><i>Mae tua 14% o'r disgyblion â'r hawl i bryddau ysgol am ddim, sydd yn is na'r cyfartaledd cenedlaethol. Mae'r ysgol yn nodi 17% o'r disgyblion fel rhai sydd ag anghenion dysgu ychwanegol. Ychydig iawn o ddisgyblion sydd â datganiad o anghenion addysgol arbennig. Nid oes unrhyw ddisgybl yn siarad Cymraeg fel iaith gyntaf.</i></p>		

## SYLWADAU CADARNHAOL

### Perfformiad Cyfredol:

Mae staff yn darparu cyfleoedd da iawn i ddisgyblion ddatblygu eu haddysg ysbrydol, gymdeithasol, foesol a diwylliannol (Hiraddug).

### Cwestiwn Allweddol 1: Pa mor dda yw'r Canlyniadau?

#### Lles:

- Maent yn datblygu dealltwriaeth dda o'u rôl yn y gymuned leol drwy, er enghraifft, y cysylltiadau cryf gyda'r eglwys gadeiriol ac ymweliadau â'r hosbis leol. (Ysgol V. P. Llanelwy)
- Mae disgyblion yn trefnu gweithgareddau i godi arian i nifer o elusennau ac mae hyn yn cael effaith gadarnhaol ar ymwybyddiaeth y disgyblion o anghenion pobl eraill. Enghraifft dda o hyn yw'r prynhawn coffi llwyddiannus i godi arian ar gyfer apêl Nepal. (Bro Dyfrdwy)
- Mae disgyblion iau yn datblygu dealltwriaeth werthfawr o barch, gofal a phryder am eraill, o fewn yr ysgol ac yn y byd ehangach. (Hiraddug)

## **Cwestiwn Allweddol 2: Pa mor dda yw'r ddarpariaeth?**

### **Profiadau dysgu:**

- Mae ymweliadau gan fusnesau lleol, cysylltiadau â'r eglwys gadeiriol a gweithgareddau allgyrsiol yn cyfoethogi dysgu'r disgyblion yn dda. (Ysgol V.P. Llanelwy)
- Mae gan ddisgyblion ddealltwriaeth dda o ddinasyddiaeth fyd-eang trwy eu cyfranogiad yn y Diwrnod Ewropeaidd er enghraifft, a phrosiect o gefnogaeth i blentyn yn Borneo. (Ysgol V.P. Llanelwy)
- Mae'r ysgol yn darparu ystod dda o brofiadau amrywiol a diddorol ar draws yr ysgol, sy'n cwrdd â holl ofynion y Cyfnod Sylfaen, y Cwricwlwm Cenedlaethol ac addysg grefyddol yn effeithiol. (Bro Dyfrdwy)
- Mae'r ysgol yn darparu ystod eang o gyfleoedd gwerthfawr i godi ymwybyddiaeth y disgyblion o ddinasyddiaeth fyd-eang, er enghraifft trwy waith thematig megis taith tedi bêr i Ffrainc, a chysylltiadau â gwledydd eraill fel Lesotho. (Bro Dyfrdwy)
- Mae'r ddarpariaeth ar gyfer hyrwyddo ymddygiad da a datblygu sgiliau cymdeithasol ac emosiynol y disgyblion yn effeithiol. Mae cyfleoedd cyson i ddisgyblion fyfyrion a datblygu eu hagweddau ysbrydol, moesol, cymdeithasol a diwylliannol trwy wasanaethau ysgol gyfan rheolaidd a gweithgareddau eraill yn y gymuned leol. (Bro Dyfrdwy)
- Mae cysylltiadau diddorol iawn gydag India a Tsieina yn helpu disgyblion i ddatblygu gwybodaeth a dealltwriaeth werthfawr o ddiwylliannau ac arferion eraill. Mae hyn yn cyfoethogi ethos gofalgwr a pharchus yr ysgol. (Hiraddug)

### **Gofal, cymorth ac arweiniad:**

- Mae staff yn datblygu datblygiad ysbrydol, diwylliannol, moesol a chymdeithasol y disgyblion yn dda. Mae ymwelwyr ac ymweliadau y tu allan i'r ysgol yn darparu profiadau gwerth chweil sy'n helpu datblygiad cymdeithasol a diwylliannol y disgyblion. (Ysgol V.P. Llanelwy)
- Mae cyfleoedd cyson i ddisgyblion fyfyrion a datblygu eu hagweddau ysbrydol, moesol, cymdeithasol a diwylliannol trwy wasanaethau ysgol gyfan rheolaidd a gweithgareddau eraill yn y gymuned leol. (Bro Dyfrdwy)
- Caiff disgyblion gyfleoedd buddiol iawn ar gyfer datblygiad ysbrydol, moesol, cymdeithasol a diwylliannol. Er enghraifft, mae cysylltiadau rhyngwladol cryf yr ysgol yn datblygu dealltwriaeth ysbrydol a diwylliannol y disgyblion yn effeithiol. Mae'r ddarpariaeth o ansawdd uchel ar gyfer addysg bersonol a chymdeithasol yn y Cyfnod Sylfaen yn arwain at ddisgyblion yn datblygu dealltwriaeth gadarn o werthoedd gonestrwydd, tegwch a pharch at eraill. (Hiraddug)

### **Yr Amgylchedd Dysgu:**

- Mae'r ysgol yn gymuned gynhwysol iawn lle mae staff yn trin pob disgybl yn gyfartal, yn deg a chyda pharch. Mae staff yn hyrwyddo amrywiaeth a chyfleoedd cyfartal yn llwyddiannus ac yn sicrhau bod gan bob disgybl fynediad cyfartal i bob agwedd ar fywyd yr ysgol. Mae ethos gofalgwr yr ysgol yn annog disgyblion i gael parch a goddefgarwch tuag at eraill. (Ysgol V.P. Llanelwy)
- Mae'r ysgol yn gymuned glos a chroesawgar sy'n creu ethos cynhwysol ac mae ystod o bolisiau a gweithdrefnau yn eu lle i hyrwyddo cydraddoldeb a dathlu amrywiaeth. (Bro Dyfrdwy)

- Mae'r ysgol yn rhoi pwyslais clir ar gydnabod a dathlu amrywiaeth ac yn hyrwyddo cyfle cyfartal yn dda. (Hiraddug)

### **Cwestiwn Allweddol 3: Pa mor dda yw'r arweinyddiaeth a'r rheolaeth?**

#### **Gweithio mewn Partneriaeth:**

- Mae cysylltiadau gyda'r eglwys gadeiriol, y gymuned leol ac asiantaethau allanol yn gwneud cyfraniad effeithiol i ansawdd darpariaeth yr ysgol. (Ysgol V.P. Llanelwy)